



小華錄



			二	漢
		九	二	書
		〇	四	門
	六	九	九	
一	六	〇	九	
冊	架	函	號	類

庫文閣內			
		二	漢
		〇	書
	二	九	
二	〇	九	
冊	架	函	號

內閣文庫		
番號	漢	2249
冊數	16	(10)
函號	286	101







東華錄卷之十



二十六年正月 上欲駐蹕右衛易于調遣

擇吉二月初六日辰時出師 諭理藩院尚

書迪班等令觀噶爾丹勢甚窮蹙天與不取

坐失事機應撥兵預備今次出兵亦分為兩

路兵各三千名尋議每兵一名從僕一人給



湘源蔣良琪干之父

馬五匹四兵合為一伍帶百日口糧 駐紮
肅州副都統阿南達疏報擒噶爾丹之子塞
卜騰巴爾珠爾于哈密之地諭撫遠大將軍
伯費揚古知之 兩江總督范承勳河道總
督董安國等疏言會勘河道自永安以至邛
宿二州縣閘王廟一帶亟宜脩築得旨依所
奏速行脩理雲梯關乃海口要地此處淤沙

西巡而
深濬則黃河入海不致阻滯總河每年遣才
能河官專理毋使壅塞 諭大學士等觀明
史洪武永樂所行之事遠邁前王我朝現行
事例行之西行者甚多且明代無女后預政
以臣凌君等事但其末年壞于宦官耳且元
人宋譏明復譏元朕並不以前人輒譏亡國
也惟從公論耳今編輯明史著將此諭增入

脩明史救書內 二月壬午朔欽天監預奏
日食分数諭曰日食雖人可預筭然自古帝
王皆因此而成懼蓋所以敬天變脩人事也
若庸主則委諸氣數矣本年水溢地震今又
日食意必陰盛所致豈可謂無預于人事乎
可諭九卿如有人事應備改者悉以奏聞
丁亥 上行兵寧夏出德勝門駐蹕昌平州

尼麻唐胡土克圖前來代彼密陳其情想到
後必奏明達賴喇嘛已經身故懇朕為伊掩
飾第巴既如此奏懇事亦可行即此可以寬
宥其罪第巴必感恩而衆蒙古亦歡悅矣
三月尼麻唐胡土克圖至果密奏達賴喇嘛
身故已十六年再生之小達賴喇嘛已十五
歲乞為隱諱 丁丑駐蹕寧夏 閏三月乙

未 上自寧夏城往白塔是日啟行四月
甲子御舟泊布古圖大將軍伯費揚古疏報
閏三月十三日噶爾丹至阿察阿穆塔台飲
葯自盡丹濟拉等携噶爾丹尸骸及其女鍾
齊海來歸大臣請行慶賀禮上曰噶爾丹
之死乃天所助宜先謝天尋丹濟拉奏噶
爾丹尸以焚命大將軍駒迺其女速來五

月乙未 上回宮 給事中鄭昱條奏平定
噶爾丹慶賀大禮頒詔款項 上曰凡頒赦
詔皆人主之事非人臣所宜言自古不以頻
赦為善政者以其便于惡人而無益于善人
也鄭昱妄以詔款陳奏念係言官特從寬宥
著大學士嚴飭之 禮部題平定噶爾丹武
功告成應遣官祭告加上徽號命史館編輯

平定北寇方畧——上曰喀爾喀厄魯特原皆
納貢之國因搆釁致兵爭噶爾丹曾破回子
中之薩馬拉罕布哈爾哈薩克布魯特葉爾
飲哈思哈爾賽拉木吐魯番哈密諸國乃習
於戰鬪之國喀爾喀馬能抵敵是以款塞來
歸其時若不允其內附必淪入于厄魯特允
之噶爾丹必假此搆難凡此皆經熟籌非
漫然受納也噶爾丹假索取喀爾喀為名犯
我邊境尚書阿喇厄迎戰于烏爾會之地我
師大北噶爾丹乘勢直抵烏蘭布通計京師
未及七百里斯時適朕躬以違和還京左翼
軍雖能勝敵而若翼軍不能制勝大臣而下
至軍士陣亡被創者甚衆噶爾丹亦自知無
濟歸路遭疫得還科卜多者不過數千人耳

當是時即預知其必稱兵報復六年以來烏
闐布通之役時塵朕懷正經理武備之時噶
爾丹果復舉兵寇掠喀爾喀之納木扎爾托
者于克魯倫之地朕詔武臣三品以上咸陳
方略舉朝皆以為難其言當討者不過四人
朕以為漸當急圖遂祭告天地宗廟我師
所至上天佑助無水之地而靈泉湧出不毛
之地而庶草蕃蕪事悉稱意今西北永寧其
不致蒙咎者即幸矣諸典禮俱依議行徽號
不必上六月以丹濟拉往投策妄阿喇布
坦命阿南達撤噶斯口兵回黃留兵馬督駐
布隆吉爾等處探听聲息并檄內大臣索額
圖大將軍伯費揚古將軍馬斯喀等從鄂爾
多斯駙路而歸侍郎滿丕將軍舒恕俱著回

未 命大學士伊桑阿等纂修平定朔漢方
畧 尋馬思喀等言鄂爾多斯路遠仍率兵
自鄂多里經歸化城之路進張家口 七月
以太和殿成遣官祭告 天地 宗廟 社
稷 上巡幸塞外 九月上駐蹕汗將不爾
達巴漢降人厄魯特台吉丹濟拉至授散秩
大臣安插張家口 甲午 上回宮

諭宗人府禮部嗣後八旗宗室子弟有能力
學屬文應與滿州諸生一體應試編號取中
策妄阿喇布坦執送伊家古克三胡土克
圖并其弟孟其里至磔誅之 十一月癸巳京
師地震 三十七年 丁亥 正月癸卯上
巡幸山西五臺山啟行 二月戊辰 上回
宮 工部議覆雷督桑額等會勘開濬下

三十七年可起頭寫

悉徵訛

河條奏一高郵湖之水勢宜分一車兒掣入海之口宜開一丁溪入海之口宜通一小海場入海之口宜開一草堰場淺水之閘宜增一運河之水勢宜分應令將各項工程估計具題從之四月諭大學士等廣東海關收稅人員搜檢商舡貨物概行徵稅以致商船稀少關稅缺額且海舡亦有自外國來者如

此項屑甚覺非體著減額稅銀三萬二百八十五兩著為令七月七日京師地震直撫于成龍言霸州等處挑濬新河已竣乞賜河名并勅建河神廟旨賜名永定河建廟立碑工部議覆漕督臬額估計開濬下河應准行命九卿并淮揚等處人在朝者確議具奏尋九卿奏准揚人供言開濬下河有益

估

供單也共

然此事關係甚重，應令漕督會同總督巡撫
確議具奏從之。八月，策妄阿拉布坦遣使
同我使臣內閣侍讀學士喇錫等來獻噶爾
丹骸骨。上命置京城外懸掛示衆。十二
月，副都御史吳誼言：編脩檢討等員，陞轉壅
滯，請酌復變通編修，照李清江楫之例外補
一二人，少詹講讀學士等官，照王士禎、徐潮

顧藻、王九齡之例，以京堂各衙門調補一二
人。上諭大學士曰：覽吳誼奏翰林官壅滯，
所奏極是。翰林官員係進士選拔者，教習
三年，又行考議，擇其善者始留衙門，不但伊
等應陞缺少，以致壅滯，即滿洲漢軍翰林官
亦皆壅滯，其應陞缺出，俱與筆帖式較俸陞
補。是以伊等陞轉甚遲，此奏朕已知之，不必

三十八年宜齋頭

令部議也 三十八年二月三日癸卯 上
南巡閱視河工啟行 辛酉 御舟泊張八
臘口尚書馬齊侍郎喻成龍常綬等勘視河
工回奏臣等查勘桑額所奏邵伯鎮南金灣
小海場鮑家莊等處挑濬引河建造草壩俱
無益應無庸議惟蝦鬚沙溝及興文開草堰
等處應酌量挑濬部議從之 丁卯御舟泊

流潦澗戊辰 上閱視黃河以南高家堰歸
仁堤等工回至清口三月庚午 上奉
皇太后舟渡河壬申駐蹕淮安府 丙子駐
蹕揚州府癸未至蘇州府辛卯至杭州府戊
戌回鑾 九月 上以喻成龍所繪河圖示
大學士等曰令四海太平最重者治河一事
朕前巡視知水之不治由洪澤湖水勢甚大

恐訛

既不能洩，又加黃運兩河合併，勢愈浩瀚，以致泛溢。昔時原有歸仁隄，遂為捍禦，此法最善。今已淹沒，不可考。靳輔則築減水壩，名為減水，而四處奔瀉，漂決甚多。彼但顧上河而不顧下河，水何以治？朕意惟有導河稍北，使彼不得侵入清水，而疏洩洪澤湖，使之下流全用清水，以刷淤沙。如此則水自無不治矣。

今歲南巡，見黃河逼近清口，黃水倒灌，以致淤墊。洪澤湖水不出，自高家堰，減水壩流入高寶諸湖，自高寶諸湖流入運河，以致下河田地盡被淹沒。朕深為軫念。又曰：靳輔黃安國于成龍，但知築堤禦水，至于改河身，水北俾清流通，並未言及。若不令清流通，雖脩築堤岸，黃水終致倒灌，焉能禦之。諭吏

部比年京堂懸缺者多翰林官甚衆陞遷壅
滯爾等將現出京堂之缺及翰林官職各一
併開列十一月御史鹿祐疏奏順天鄉試
正副考官脩撰李璠編脩姜宸英以賓興之
典為行私之地尋諭此科考試不公已極
且聞代倩之人亦復混入著將舉人齊集內
廷覆試尋覆試舉人等由去有差諭曰順天

中式者童稚甚多物論騰沸著將李璠等嚴
加議處鹿祐題奏可嘉諭大學士等于成
龍奏稱清江浦西界黃水高于淮水一尺淮
水高于運河之水七尺運河水高于平地七
尺合而觀之淮水高于運河四尺外平地共
一丈四尺今惟以濟口自河之下流治武家
墩由清江浦之北另行改移中開河身重由

三十九年

八九十丈空地兩旁堅築石堤俾清水暢達此所當急議者但如是改移朕恐別有所礙爾等確議具奏尋遣侍郎常綏查勘回云于成龍等言遵旨改移清口則清水自是易出但水別時西邊徙高倘致衝決保護為難將高家堰減水壩堵塞加幫修築于成龍尋病故似有裨益令九卿確議先行

三十九年

月吏部議覆湖廣督郭琇疏言臣生父郭景昌即墨縣學庠生郭爾標並無妻室何有子嗣伊投充黃宇昌家為奴問邑通知臣伯父郭爾印無子以臣承嗣于康熙十五年正月病故有子報呈詞可查不知佛倫何所聞而誣臣欺君冒認祖父濫膺封典擬以革職追奪誥命部臣不俟行查遂立時追繳伏乞勅

問據大學士佛倫供舛錯是寔應將詰命給
還佛倫事在赦前應免議從之 四月吏部
等衙門會議各省舉人吏部于每年四月十
五日考試以知縣用並無去取亦無分職銜
大小之處考試無益應行停止俱照中式年
分名次註冊按次選用從之 六月禮部題
御史鄭維斌奏冒籍舉人令其自首議准行

貢監回籍考試議不准行 上曰此一事俱
著依部議主考惟在得人耳若謂貢監在京
必生情弊豈今回籍即不生弊乎部議不准
深為得宜 諭大學士等前張鵬翮赴任時
朕即指示以必毀攔黃壩挑濬芒稻河人字
河今張鵬翮毀去攔黃壩而清水遂出濬通
海口而河勢亦稍減觀此則河工大可望也

時海口深通奏請將欄黃壩改名大通口建
海神廟從之諭大學士九卿令科鄉場曾
令宗室考試宗室朕素加恩何患無官嗣後
停其考試七月諭大學士等觀翰林官及
庶吉士內有極貧者衣服乘騎皆不能備將
此等查出作作施恩有益供職其丁憂告假
回籍之翰林院庶吉士亦有生計艱難無力

至京者著該督撫酌量資助令其來京又翰
林官員專司文翰更無他事各省學道員缺
應與郎中並差任滿之日仍各回衙門或學
籤或作何差遣爾等會同翰林院議奏尋議
各省學政缺出翰林官內自侍讀侍講以下
開列職名仰俟欽點及翰林官內貧者月給銀三
兩具奏上曰翰林官等所學優長朕但

知之但其為人尚未深悉難以簡擇此後
學道缺出除告假在籍日期不倫外較俸派
出翰林貧者給銀之處著依議 九月諭大
學士等曰給事穆和倫條奏服用奢侈本章
爾等擬票申飭朕意言官專任耳目之職若
曰言而罪之誰復敢言又曰今惟以大開言
路而要分流設立科道專為求言所言當則
行之不當但將原本發還如此則內外臣僚亦
俱知儆戒矣朕聽政四十餘年言官有為人而
言者有受賄陳奏者有報私仇而顛倒是
非者此等條奏朕無不知至于喪祭時恐
其借用朕屢經傳諭族長著不時查察今日
以漸弛容或有之亦當禁止此本著不必申
飭御史劉珩疏言直隸永平真定等府田地

應令巡撫李光地視其近河處引水耕種
諭大學士等曰水田之利朕所洞悉已交李
光地見令引水耕種但不可太驟耳今若竟定
一例諸處尅期齊舉該部復行催查則事
必致難行矣惟興作之後百姓知有益自然
鼓舞今此地亦不必開池惟如寧夏水田開
濬溝渠濬則撤田水自渠出旱則放渠水入

田灾荒無虞矣策妄阿喇布坦處盡是水田
所以全無水旱惟或一年穀米變蚊而飛或
穀熟時穗內忽然成血此則彼處之灾也又
盛京有一種蚂扎名曰汚蟲更甚于蝗蟲此
處蝗蟲食苗後尚飛去汚蟲必將田禾之穗
連根及葉罄食無遺方止此朕所親見
十月諭大學士等曰臣下賢否朕處深宮何由

得知緣朕不時巡行經歷之地必諮詢百姓
以是知之因此朕欲開風聞言事之例科道
官以風聞題參即行察議督撫賢者留之不賢
者去之如此則貪暴斂迹嗣後各省督撫將
軍提鎮以下教官典史千把總以上官吏
賢否若有關係民生者許科道員以風聞入
奏倘懷私怨互相朋比受囑託者國法自在

著諭滿漢掌印與不掌印科道官員知之

十月 皇太后六秩聖壽 上恭進佛三尊

御製萬壽無疆賦圍屏一架 御製萬壽

如意太平花一枝 御製龜鶴遐齡花一對

珊瑚進貢一千四百四十分自鳴鐘一架壽

小石羣仙拱壽一堂千秋洋鏡一架百花洋

鏡一架東珠珊瑚金珀禦風石等念珠一九

皮裘一九兩緞一九多羅呢一九嗶機緞一
九沉香一九白檀一九降香一九雲香一九
通天犀珍珠漢玉瑪瑙漆官窰等古玩九
九宋元明書冊卷九九攢香九九大號手帕
九九小號手帕九九金九九銀九九緞九九
連鞍馬六匹并令膳房粒米一萬粒作萬國
玉粒飯及肴饌果品等物進獻 四十年三

月諭大學士等督撫奏銷錢糧疏內銀數有
一兩不符及四兩不符者該部輒議駁回事
甚微細不得往來申奏然後改正殊覺多事嗣
後錯悞十兩以內者部內即行文改正不必
議駁 三月先是給事中馬士芳疏叅湖廣
巡撫年遐齡狗庇布政使任風厚老病不入
大計至是諭大學士等曰任風厚調來引見

其年尚未衰老可以辦事如爾諸臣俱係年
老坐而辦事必須老成歷練者方能得當州
縣官則不可若道員以上必以年長者為佳
不惟此也凡一省易一大吏一方百姓不能
無累外官惟以清廉為要郭琇居官清廉而
辦事和平如任風厚果係不堪郭琇豈肯徇
庇任風厚仍赴原任至言官叅奏不寔若皆

議處未敢復言高士芳著草職 五月御史
張瑗疏言西山碧雲寺後有前明太監魏忠
賢墓并碑兩座乞賜什毀徙之 諭大學士
等御史杜之昂魏壽期所奏六本俱極冗長
奏章俱有定額此本逾格凡言事期明晰如
將無用文章闌入何益今杜之昂欲將邵雍
後裔援為博士但數言可了若必將邵雍之

賢一一舉出即十疏豈能盡之魏壽期所奏
 漢中府地方民生本極富庶自吳三桂叛戶
 口逃散此言尤為悖謬彼處自明朝末年為
 流賊張獻忠屠戮死盡自順治十七年至康
 熙十一年用兵始定歷年無幾則人民豈遽
 能生聚所奏著發還至魏壽期奏將州縣初
 任後祇許到省一次謁見督撫若不時往來
 必至送禮及勒索之弊大約治道亦不在此
 內而大學士九卿外而督撫屬下之人豈俱
 不相往來若大臣無欲則屬下以廉豈因往
 來謁見之故也 七月工部議御史張瑗言
 京畿輓道大宛兩縣每年原有工價銀一萬
 餘兩支銷至五城所派夫役並無工食乞將
 五城應墊之道統歸兩縣經理從之 八月

四十一年

上巡幸塞外登索岳爾濟山 九月厄魯
特策妄阿拉布坦遵旨解噶爾丹女鍾齊海
到京赦不誅令婚配得所 四十一年壬午
正月諭大學士等曰朕觀諸臣任科道時多
有敢言沽直聲以得陞遷者及為大僚輒不
敢信問以小吏皆云不知前後類不相符回
顧起居注官等曰朕言可詳記之 五月傳

消

大學士九卿翰詹科道官一百四十餘員至
保和殿頒賜御書有差并諭曰尋章摘句華
麗詞藻非帝王之本務朕四十餘年惟日兢
兢未嘗晷刻稍釋萬幾自警有始無終之誦
念茲在茲也政事稍懈頗好書射歷年以來
所積臨摹字幅以賜卿等 六月御製訓劄
士子文頒發禮部命勒石太學 御書道德

仁義四字額賜翰林院德業仁義四字額賜
詹事府都司俞弗四字額賜都察院 九月
禮部議監生莊令與俞長策試卷作五經文
字與例不合無庸議 上曰所有五經文字
若俱浮泛不切自不當取中若能切題旨文
理明順一日書寫二萬餘字是為難得莊令
與俞長策著俱授為舉人嗣後不必禁止何為

何定例著議

兵部議覆湖廣鎮草生員

李豐等叩關稱鎮草紅苗肆行擄殺地方官
不究不報謹進輿圖一紙及被擄之地開列
進呈得旨着侍郎傅繼祖等馳駟往湖南詳
察具奏 上巡視河南啟行 十月乙酉京師
地震 九卿議嗣後鄉會試作五經文字
者應額外取中三名草稿不全免其貼出二

場于論表外添詔詰各一道 上駐驛德州
城內諭曰朕曰閱河南巡今以皇太子允初
患病應即回塞明歲再閱視河工 十一月
免安徽省及陝西之河一帶康熙四十二年
地丁錢糧 十二月諸王大臣士民等以
皇上五十萬壽請上尊號不允 是歲人丁
戶口二千四十二萬一千三百八十田地山
蕩畦地五百九十八萬六千九百九十三頃
六十三畝有奇徵銀二千七百三十九萬六
百六十九兩有奇米豈麥六百九十六萬八
千六百七十三石有奇草二百八萬一千六
百八十八束茶十五萬七千四百七十六引
行鹽四百三十一萬九千四百七十五引徵
課銀二百六十九萬七百二十八兩有奇鑄

四十二年

錢二萬三千八百六萬五千九百有奇

十二年丁未正月壬子羣臣請預行慶賀

萬壽恭進鞍馬緞疋等物諭曰爾等如此進獻在外督撫必效之朕必不受朕素嗜文學諸臣有以詩文獻者當留覽既而諸臣恭進慶祝萬壽屏復以屏文繕寫冊頁進呈得旨留冊頁卻屏壬戌日十六上巡視南河庚

午過濟南府幸巡撫署觀珍珠泉御書三渡

濟河即事詩一章懸署門觀趵突泉御書源

清流潔額懸泉上潤物額懸珍珠泉學宗洙

泗額懸省城書院上登泰山駐蹕泰安州

免經過地方四十一年未完錢糧二月丙子

朔丁丑上由宿遷縣五花橋渡中河遍閱

堤工至宿遷縣渡黃河明日遍閱徐家灣等

堤祥符寺閣復細閱新修河口登舟徧閱堤
工 己卯自桃源縣登舟徧視河堤 御舟
入清口泊天妃閣 壬午駐蹕揚州府城內
甲申御舟渡江登金山江天寺書動靜萬古
額懸寺中 丙戌駐蹕蘇州府城內 戊子
登舟庚寅駐蹕杭州府城內 癸巳自杭登
舟回塞 乙未登陸駐蘇州 戊戌自蘇

州登舟啟行 辛丑自京口由陸路幸江寧
府駐蹕城內 壬寅遣大學士馬齊祭明太
祖陵 癸卯自江寧回塞至鎮江避風館登
舟泊金山寺 三月丁未登岸閱高家堰堤
工及各處堤工 己酉乘舟歷黃河南岸觀
龍窩烟墩等堤復渡黃河閱九里崗等堤
己未自揚村登岸駐南苑庚申回宮以淮黃

裏

告成頌恩詔天下恩款三十八條 四月上

發出熊賜履呈覽明神宗熹宗以下史書四本

諭曰明時太監皆及見之所以彼時之事

知之甚悉太監魏忠賢惡跡史書僅記其大

畧而已猶未詳載也此書所載楊連左光斗

死于北鎮撫司獄中聞此二人在午門前受

御杖死于太監等以布囊尸出之至于隨宗

禎殉難者乃太監王承恩因此

世祖章皇帝作文致祭並立碑碣此書載太

監王之心從死明係錯誤尋賜履等復行詳

察果係王承恩非王之心遵旨改正至于左

光斗楊連察考諸書俱云死于北鎮撫司獄

故照彼書之 四月 正考官大學士熊賜履吏部尚書陳廷敬

副考官吏侍吳授一甲進士王式丹為脩撰

卷十

六

趙晉錢名世為編脩汪灝查慎行何焯蔣廷
錫吳廷禎陳邦彥博有德汪文炯陳世倌吳
蟾淇汪份潘鼐震廖廣謨陸秉鑑涂天相萬
經陳徐基朱書林祖望俞梅宋至章藻功伊
秦楊緒劉巖王邁馬汝為西庫王居建劉圻
吳連趙微介謝履忠單喬年耿右德劉祖任
趙秦臨王士鎬董秦楊萬程李天祥蔣肇阿

席

進秦吳相李士杞季堂鄭為龍才佳萬民欽
四十九員改席吉士 六月御書闡道醇儒
額命懸景州董仲舒廬 十月遣尚書席爾
連副都統圖思海徐思海赴湖廣招撫紅苗
上西巡 丁酉幸太原府 庚子自太原
啟行 十一月丙辰 上幸西安府 癸亥自
西安回鑾 十二月壬申朔 上駐蹕河南

府城內 庚寅車駕還宮 令補授外官掣
籤所得地方如隔原籍五百里內雖隔省著
迴避 四十三年正月諭曰朕前遣侍衛至
鉄索橋掛匾還京回奏彼處督撫餽六十餘
兩夫一侍衛而費至此則凡部院司官筆帖
式等差遣往來者又不知煩費幾何矣 二
月諭大學士等近日各省學臣其中不肖之
徒惟利是圖恣不知愛惜人才其根源在禮
部科道督撫皆有規禮故無敢直言之人又
聞提督浙江學政文志鯨將考試二三等生
員內竟有加杖責者文志鯨身係翰林特簡
之使提督學政乃如此暴戾可乎 三月川
陝總督博濟言臣等會勘黃河三門中流為
神門水勢甚溜南為鬼門水更洶湧此為人

門人恐倒有恐在

門水勢稍緩三門之下百餘步為底柱再下
二里有卧虎灘臣等用船載糧三十石從卧
虎灘絳稅上過門人但急溜灘多所有截留
豫省漕務撥運陝西不如陸路之便得旨令
議四月直撫李光地曰河間水災飢民流
入京師自陳不職請解任上諭大學士等
曰李光地著留任其居官有何可議但彼專

流下惡脫字

信門生常為所誑凡人口講道學彼即深信
之夫道學豈易言哉孔子曰先行其言而後
從之人之品行必始終不易朕始信之若徒
託之空言而無是事則亦何益之有非特此
也凡有職任者一有所為善惡立見更不宜
輕言也四月己卯上幸鬲髻山九月
侍衛拉錫等探視河源回奏臣等于四月初

四自京起程五月十三至青海十四至呼：布
拉克六月初七至星宿海之東有澤名鄂
陵周二百餘里鄂陵西有澤名扎陵周三
百餘里二澤相隔三里初十日至星西宿海蒙古
名鄂敦塔拉登南山視星宿海之源小泉萬
億不可勝數周圍羣山蒙古名為庫爾滾即
崑崙也南有山名古爾班吐爾哈西南有
山名布胡珠爾黑西有山名巴爾布哈北有
山名阿克塔因七奇東北有山名烏蘭杜石
古爾班吐爾哈山下諸泉西蕃國名為噶爾
馬塘巴爾布哈山下諸泉名為噶爾馬春穆
明阿克塔因七奇山下諸泉名為噶爾馬沁
危三山之泉流出三支河即古爾班索羅謨
也三河東流入扎陵澤自扎陵一支流入鄂

陵澤自鄂陵疏出乃黃河也除此他山之泉
與平地之泉流為小河者不可勝數盡歸黃
河東下臣等自星宿海于六月十一日回程
向東行南二日登哈爾吉山見黃河東流至
呼々北羅海山又南流繞撒除克山之南又
北流至巴爾托羅海山之南次日至冰山之
西其山最高雲霧蔽之蒙古言此山長三百
餘里有九高峰自古至今未見冰消終日雲
霧蔽之常雨雪一月中三四日晴而已自此
回行十六日至席拉庫特爾之地又向南行
過僧庫里高嶺行百里至黃河岸見黃河自
巴爾托羅海山向東北流于歸德堡之北
達喀山之南從兩山峽中流入蘭州自京至
星宿海共七千六百餘里寧夏之西有松山

忍詳

至星宿海天氣漸低地勢漸高人氣閉塞故
多喘息十月免浙江山東二省康熙四十
四年應徵地丁銀米諭大學士等戶部呈
樣之斛斗升朕俱注水評加測量其樣升上
下四角寬窄不勻筭積數見方得三萬一千
三百八十二分有零其樣斗上下四角寬窄
亦不勻積數見方得三十一萬六千七百六

斛

第篇似倒

斛

方

十四分零其樣鉄斛筭積數見方得一百六
十萬分其數不相符查性理大全嘉量第篇
十二內每斛積一百六十二萬分與今之鉄
斛較多二萬分曰鉄斛用之已久不可輕改
是以依今之鉄斛五斗為準造新樣斗一具
經八寸深五寸積數見方得三十二萬分
又造新樣升一具方經四寸深二寸積數

見方得三萬二千分。若依此樣，十升一斗五
斗一斛，毫厘不差。因出新樣銅斗升，赴部以
鈇照式為之。十一月丁酉朔，日食。諭大學
士等曰：凡人當皆五品筮仕之初，即思干請
于人，其立意如此，則他人將何所望哉？或有
未仕之先，早已債負盈積，至入官後，若不脫
民何以償之？國家名器，豈為此輩債償設乎？

部上恐脫工字
前字恐衍

四十四年正月，諭部前黃河往：倒灌清
口者，由仲莊閘與清口相對，駱馬湖水勢湍
急，逆逼黃河，倒灌清口。朕躬臨相度，命移仲
莊閘，改建于楊家莊出口。河臣報稱黃水暢
流入海，絕無倒灌清口之患。朕今欲特蒞其
地，籌善後之規。其中河、黃河、運河，有應加脩
防者，亦隨宜指示。至于山東省，並于沿途親

行周覽焉。二月，諭大學士、昨御史黃東中條奏行取知縣，即以科道用，此為太過。此言頗當。滿洲漢軍俱從，郎中員外始陞科道。漢人則以行取知縣，即陞寔屬不均。交九卿議奏。癸酉，南巡啟行，駐南苑，明日于張家灣登舟。甲午，御舟泊濟寧州，浙撫張泰交疏請幸兩浙，允之。三月庚子，入江南境，壬寅

渡黃河，泊清江浦，閱楊家莊等處堤岸閘口。

癸亥，駐淮安府。乙巳，泊揚州府城北高

橋。戊申，駐蹕江天寺。辛亥，駐蹕蘇州府

城內。萬壽節，召河督張鵬翮，諭曰：朕至清

口，見黃水倒灌，因以問爾。爾反稱不曾倒灌。此即爾毫不認錯處。爾居官雖好，却為王謙、張弼所欺。李光地居官亦好，但聽信楊名時

虛偽道學之言往：誤事又諭曰爾自謂一介不與一介不取一介不與則有之一介不取則未必然取與不取惟爾自知之曩者直隸歲歉巡撫沈朝聘曾奏民食粗糲故臣亦食粗糲朕謂之曰爾食粗糲不過在百姓面前耳若在署中豈亦然而即果食粗糲不能

有濟民生有何益哉 己未駐蹕松江府城內 貢生孫銳等奏稱青浦之北地名孔宅自漢時至聖苗裔避地至此賜 聖書聖跡遺徽匾額 四月甲子朔泊嘉興府 丙辰駐蹕杭州府城內 命掌院學士揆叙考試浙江舉貢生監等詩字以顧祖雍顧寧遠二人記名 庚午移駐西湖行宮 癸酉登上海舟回鑾 戊寅命揆叙考試蘇州等府舉貢

生監詩字記汪秦來等五十三人名 甲申

上登陸路幸江寧府乙酉駐城內 考試

江寧舉貢生監詩字記錢榮世等五人名

行下脫謁或祭等

庚寅上自江寧啟行 明太祖陵自東角門

一字

入諭曰非爾等導引有失時朕之敬心耳

恐特誤

辛卯駐蹕江天寺行宮 癸卯幸高家堰徧

閱河堤 辛酉回宮 五月吏部題原任大

學士吳璉原缺得旨舊例大臣病故必俟其

靈柩還籍方請補授乃國家眷念大臣之意

令吳璉尚未發引何亟乃爾 六月吏部議

覆嗣後應將行取知縣到部引見後以各

部主事挨班補用遇考選時方准考選至初

任之中行評博亦俟伊等陞任後始准考選

科道考選時將正途出身之六部郎中員外

主事中行評博及翰林院編脩檢討一同開
 列听候簡用從之。八月丁酉朔京師地微
 震。十一月大學士等以鄂爾斯貿易來使
 齋至原文繙譯之文進呈。上閱之諭曰此
 乃喇提諾北多烏祖克鄂羅斯三種文也外
 國文亦有三十六字母者亦有三十字五十
 字母者朕交喇嘛詳考視之其來源與中

國同但不分平上去聲而尚有入聲其兩字
 合音甚明中國平上去入四韻極精兩字合
 音不甚要緊是以學者少漸至棄之問翰林
 院四聲無不知者問兩字合音則不能知中
 國所有之字外國亦知之特不全耳。大學
 士等以蠲免湖廣錢糧上諭進呈。上問曰
 曾查此數年蠲免錢糧數目否。馬齊等奏曰

自康熙四十二年以來蠲免一千六百餘萬
上曰自吳三桂變亂之後民甚艱難故朕
累年蠲免錢糧民生優裕則國家太平矣爾
等可查康熙元年以來所免錢糧總數來奏
尋奏查自元年以來所免錢糧共九千萬有
奇報聞十二月諭大學士等今年順天鄉
試聲名不佳人或怨其不公又聞試卷不加
閱點者甚多應試者各執落卷以示人又作
草人至試官家門欲之觀其舉動人怨殆不
可言矣朕至避暑處點汪霖姚士勳為正副
考官以為出人意料朕親手封發當不復生
弊矣由此觀之亦不在此但存乎其人之所
行而已科場之設以為選擇人才之地于此
事而行之不正雖學問優長何益之有科道

官專在言職何不參劾亦將此問科道官尋
議考官汪霖姚士嵩照溺職例革職永不叙
用從之四十五年正月九卿議覆兩江督
阿山等疏言黃淮運河諸工事關重大請
聖駕親臨指示應如所請並屢次疏請俯從
不允二月二十七日内辰京師地震
三月上親定殿試卷一甲三名不合式十

一卷令再三年殿試其文理謬劣二人陶仁
明黜草馬芝秀仍留舉人又張勿我郭璜二
人亦皆黜草尋陳廷敬奏會元尚居易首篇
一千二百餘字文亦不佳向來作文不得過
六百五十字所作違例應黜草從之考官皆
獲罪有差四月授庶吉士等^一等^一為編脩
檢討其餘天相謝履忠馬汝為柯喬年萬民

士下恐脫二字

欽李天祥劉圻楊緒萬經胡相季堂劉袒任
王邁朱書伊泰西庫才任高其偉董泰何焯
文義荒疎不准授職再教習三年盛度阿進
秦耿右德文字俱劣供草職十月諭大學
士等前遣護軍統領席柱等擒假達賴喇嘛
及第巴妻子時諸皇子及諸大臣俱言一假
達賴喇嘛擒之何為朕意以衆蒙古俱傾心
歸向達賴喇嘛此雖係假達賴喇嘛而有達
賴喇嘛之名衆蒙古皆服之倘不以朝命遣
人往擒若為策妄阿拉布坦迎去則西域蒙
古皆向策妄阿拉布坦矣故特遣席柱前去
席柱方到其地策妄阿拉布坦果令人來迎
以此觀之若非遣人前往則假達賴喇嘛必
此歸策妄阿拉布坦矣至西域回子及蒙古

今衰弱已極欲取之亦甚易但并其地不足以耕種得其人不足以驅使且現今伊等已俱恪守法度是以不取此等情事漢大學士及九卿等想俱未深悉可將朕諭示之十月免山西陝西甘肅江蘇安徽浙江江西湖北湖南福建廣東各省自康熙四十三年以前未完地丁銀二百一十二萬二千七百兩

有奇糧十萬五千七百石有奇

其直隸山東積欠錢糧今年供已

年供已

十二月諭大學士等曰噶爾丹遇我

軍于克魯倫之地未嘗交戰乃往西路遇西師進擊盡被殺戮西路兵獲其牛羊一千餘萬甚為得濟此乃天意也昔吳三桂兵圍永興城危在旦夕矣三桂一死其兵皆退此亦天意也十二月內閣九卿等奏請聖駕

閱視溜淮套工得程旨朕年已漸增憊于臨
幸尋會議據原任兩江督阿山及督脩都統
孫渣齊等各奏必得皇上親歷河十面授方
畧則莫定之功可立成 上奏聞 皇太后
奉懿旨允之 諸臣詳勘地形請于溜淮套
別開河道直達張福口以分淮勢事關創建
故再三陳請云 四十六年正月二十二日

上南巡閱河啟行 二月壬寅御舟泊清
河縣運口是日往閱武家墩 癸亥 上閱
視溜淮套由清口登陸詳看地勢御行宮門
問張鵬翮曰爾何所 奏開溜淮套鵬翮對
不稱旨 上曰今日沿途閱看見所立標竿鋪
襍問爾時全然不知河工係爾專責此不留
心何事方留心乎鵬翮不能對免冠叩首

上顧諸臣曰前阿山等察看泗洲水勢奏溜
淮套地方另開一河出張福口可以分洩淮
水免洪澤湖之異漲保高家堰之危險昨日
閱武家墩尚請果如阿山等所奏今日乘騎
從清口至曹家廟詳看見地勢甚高難開鑿
成河亦不能直達清口與伊等進呈圖樣迥
乎不同且所立標竿多有在墳上者若依之
開河不獨壞民田廬甚至毀民墳塚朕惟恐
一夫不獲其所何忍發此無數枯骨數年來
兩河平靜民生安樂何必多此一事先年來
靳輔所開中河凡漕運商民船隻避黃河一
百八十里之險至今人追念之但所開上回
應河疏濬今欲開溜淮套必至鑿山穿嶺不
惟斷難成功即或成功將來汎水泛濫不漫

入洪澤湖必致衝決運河矣。又諭大學士馬
齊曰：朕看南旺湖水分南分北，用意迥異常。
人朕深嘉其才。馬齊奏云：挑水壩甚甚稍河鮑
家營諸工皆係。皇上指示，趨出南旺分水
之上。上曰：分水事屬創舉，今所開之河由
舊疏濬，與創舉不同。張玉書云：引汶水分南
北流，是當日老人白英建議，其策原善。今皇
上睿裁，築御壩，開引河，俾淮水敵黃，七水趨
海，此萬世之利，亦萬世之良法也。上曰：明
代淮黃與今迥別，明代黃水勢強，非淮弱，故
有倒灌之患。今漸次脩治，淮強黃弱矣。然與
其開溜淮套無益之河，不若將洪澤湖出水
之處，再行挑濬，今其寬深，使清水愈加暢流。
至蔣家壩天然壩一帶，舊有河形，宜更加挑

濬使通運科小河俾商民船隻皆可通行即
漕船亦可輓運為利不淺矣 甲辰 上自
曹家廟曰清口將所立開河標竿盡行撤去百
姓踴躍歡忻 諭馬齊等曰天下事有益
者自宜亟行無益斷不可輕舉譬如人身有
病方可用藥餌針砭如無病之人故告以割
肉可得延年斷無聽從之理開河事亦類此

是日江南百姓叩請臨幸乞之 丁未駐蹕
淮安城內 杭州兵民額請巡幸浙江乞之
庚戌泊揚州 三月二日乙卯駐蹕江天
寺 丙辰泊鎮江府 己未駐蹕江寧府城
壬戌詣祭明太祖陵至大門下不輦由東門
陞殿 甲子自江寧登舟啟行 乙丑登陸
丙辰抵鎮江登舟 己巳駐蹕蘇州府城

雨

丙子駐蹕松江府城內 壬午御舟泊

嘉興府岳廟 四月甲申駐蹕杭州府城內

甲午登舟泊仁和縣塘棲 丁酉駐蹕蘇

州府城內 庚子駐蹕虎邱 乙巳駐蹕江天寺

五月甲寅渡黃河 癸酉上回暢春園

十月浙撫上然疏言奉命賑濟時杭嘉等處

查常平倉積粟無多請照山東例于常平倉

開例捐納命大學士等曰浙省被災州縣亦

照江南著總漕桑額會同該撫截留漕糧賑

濟何必捐納 十二月以早免江南浙江通

省人丁額征銀六十九萬七千七百餘兩其

安徽江蘇被災應征康熙四十七年田畝銀

共二百九十七萬五千二百餘兩糧三十九

萬二千餘石浙江應征四十七年田畝銀九

十六萬一千五百餘兩糧九萬六千餘石亦
俱著免徵。四十七年七月暹羅國王森列
拍照廣拍馬噶陸坤司由提耶菩埃遣陪臣
進貢。九月上駐蹕布爾哈蘇台召諸王
大臣文武官集行宮前命皇太子允初跪上
垂涕諭其不法。

祖德不遵誨諭肆惡虐眾暴戾淫亂諭畢痛

哭仆地旋諭將允初拘執幽禁并親撰告祭

天地太廟社稷文廢斥之幽禁成安

宮十一月以大阿哥直郡王允禔令蒙古喇

嘛巴漢格隆咒咀廢皇太子用術鎮壓草去

王爵幽禁于其府內凡土三旗所分佐領盡

撤回給與允禔命達爾漢親王額駙班第

等與漢大臣會同詳議于諸阿哥中眾議誰屬


五

皆曰此事關係甚大非人臣所當言內官強
之內大臣阿靈阿鄂倫岱揆叙王鴻緒遂私
相計議與諸大臣暗通消息書乞禩八阿哥
三字于紙交內侍轉奏
上諭八阿哥未更事近又罹罪且母家賤令
再思之以廢皇太子病由魔魅至是治療已
痊諭眾釋之 十二月吏部等察議原任內

閣學士宋大業疏參偏沅巡撫趙申喬輕襲
御書等款俱經趙申喬辨明應無庸議其趙申
喬所奏宋大業兩次奉差湖南共得銀九千
餘兩宋大業已經自認應革職杖流銀追入
官趙申喬奏內首明餽銀應減罪二等革職
擬徒旨趙申喬降五級留任宋大業從寬免
杖流餘依議



東華錄卷之十



文化戊辰

